

極玄集序

唐詩數千百家浩如淵海姚合以唐人選唐詩其識鑒精矣然所選僅若此何也蓋當是時以詩鳴者人有其集製作雖多鮮克全美譬之握珠懷璧豈得悉無瑕類者哉武功去取之法嚴故其選精選之精故所取僅若此宋初詩人猶宗唐自蘇黃一出唐法幾



廢分甫選唐百家亦惟據宋次道所有本耳又玄粹
苑世已稀睹況其他乎易嘗采唐人詩幾千家萬有
餘首視此有愧蓋閱作者之苦心悼後世之無聞故
凡一聯一句可傳誦者悉錄不遺亦不以人廢固知
博而寡要勞而無功知我臯我一不敢計業欲竝錫
諸梓而力有未逮姑先此集與言詩者共之時重紀

至元之五年三月既望建陽蔣易題

極玄集姓氏總目

卷上

王維三首

祖詠五首

李端四首

耿諱八首

盧綸四首

司空曙八首

錢起八首

郎士元八首

暢當三首

卷下

韓翃四首

皇甫曾三首

李嘉祐一首

皇甫冉八首

朱放二首

嚴維四首

劉長卿七首

靈一四首

法振二首

皎然四首

清江二首

戴叔倫七首

極玄集姓氏總目 終

極玄集目錄 卷上

王維 三首

送晁監歸日本

送丘為

觀獵

祖詠 五首

留別盧象

蘭峰贈張九臯

蘇氏別業

夕次圃田店

題韓少府水亭

NATIONAL CENTRAL LIBRARY TAIWAN R.O.C.

李端 四首

贈苗員外

茂陵山行陪韋工部

雲際中峰

蕪城懷古

耿漳 八首

贈嚴維

贈朗公

早朝

秋日

書情逢故人

沙上雁

贈張將軍

詔暢當

盧綸 四首

領嶺南故人書

題興善寺後池

山下古木

送李端

司空曙 八首

耿漳就宿因傷故人

經廢寶慶寺

春日野望寄錢員外

喜外弟盧綸見宿

送王閏

新蟬

望水

哭趙象

錢起 八首

送僧歸日東

送僧自吳遊蜀

送張管書記

送征雁

寄郎士元

宿洞口館

裴迪書齊望月

送彈琴李長文赴洪

州

郎士元 八首

送彭將軍

送孫願

贈張南史

宿杜判官江樓

送楊中丞和齋

送長沙韋明府之任

送奚賈婦吳

送友人別

暢當 三首

宿禪上

又

別盧綸

NATIONAL CENTRAL LIBRARY TAIWAN R.O.C.

極玄集目錄
終卷上

國家圖書館, NATIONAL CENTRAL LIBRARY, TAIWAN, R.O.C

極玄集卷之上

唐諫議大夫姚合

送

王維字摩詰河東人開元九年進士應拾遺
御史天寶末給事中肅宗時尚書右丞

送晁監歸日本

積水不可極安知滄海東九州何處所萬里若乘
空向國唯看日歸帆但信風鼉身暎天黑魚眼射
波紅鄉樹扶桑外主人孤島中別離方異域音信
若為通

送丘為

憐君不得意況復柳條春為客黃金盡還家白髮
新五湖三畝宅萬里一歸人知爾不能薦羞稱獻
納臣

觀獵

風勁角弓鳴將軍獵渭城草枯鷹眼疾雪盡馬蹄
輕忽過新豐市還歸細柳營迴看射鴈處千里暮
雲平

祖詠

開元十三年進士

留別盧象

朝來已握手宿別更傷心灞水行人渡商山驛路
深故情君且足謫宦我難任直道皆如此誰能淚
滿襟

蘭峰贈張九臯

集作扈從
御宿池

君王既巡狩輦路入秦京遠樹低蒼壘孤山出慢
城寒疎清禁漏夜警羽林兵誰念迷方客長懷魏

關情

蘇氏別業

國秀集作薊門別業
靈集作遊蘇氏別業

別業居幽處到來生隱心
南山當戶牖澧水暎園
林竹覆經冬雪庭昏未夕
陰寥寥人境外閒坐聽
春禽

夕次圃田店

前路入鄭郊尚經百餘里
馬煩時欲歇客歸程未
已落日桑柘陰遙村煙火
起西還不遑宿中夜渡

涇水

本集路刺
程村刺林

題韓少府水亭

梅福幽栖處佳期不忘還
鳥啼當戶竹花繞傍池
山水氣侵堦冷藤陰覆座
閑寧知武陵趣宛在市

朝間

李端

字正已趙郡人
大曆五年進士與盧綸吉
中孚韓翃錢起司空曙
苗發崔峒耿漳夏
侯審唱和號十才子應
拔書郎終杭州司馬

贈苗員外

朱戶敞高扉青槐礙落暉八龍承慶重三虎透朝
歸坐竹人聲絕橫琴鳥語稀花慙潘岳貌年稱老
萊衣葉暗新櫻熟絲長粉蝶飛應憐魯儒賤空與
故山違

茂陵山行陪韋工部

宿雨朝來歇空山天氣清盤雲雙鶴下隔水一蟬
鳴古道黃花落平蕪赤燒生茂陵雖有病猶得伴
君行

雲際中峰

自得中峰住深林亦閉關經秋無客到入夜有僧
還暗澗泉聲小荒岡樹影閑高亭不可望星月滿

空山 本集岡作
村亭作窗

蕪城懷古

風吹城上樹草沒城邊路城裏月明時精靈自來
去

耿緯 或作緯寶應二年
進士官至左拾遺緯音為

贈嚴維

許詢清論重寂莫住山陰野客投寒寺關門當古
林海田秋熟早湖水夜漁深世上窮通理誰能奈
此心

贈朗公

來自西天竺持經奉紫微年深梵語變行苦俗人
歸月上安禪久苔生出院稀梁間有馴鴿不去為
無機

早朝

鐘鼓餘聲裏千官向紫微
月寒人語少乘月燭來
稀清漏聞馳道紅霞暎
瑣闥猶看嘶馬處未啓掖

垣扉

紅一作輕

秋日

返照入閭巷憂來誰與語
古道無人行秋風動禾
黍

書情逢故人

原題巴陵逢洛陽隣舍

回君知此事流浪已忘機客久多人識年高衆病
歸連雲湖色遠度雪雁聲稀又說家林盡淒傷淚
滿衣

沙上雁

衡陽多道里弱羽復哀音還塞知何日驚弦亂此
心夜陰前侶遠秋冷後湖深獨立汀沙意寧知雪

霰侵

本集雪
作霜

贈張將軍

寨落軍城算重門返照間鼓輦經雨暗士馬過秋
閑慣守臨邊郡曾營近海山關西舊業在夜夜夢
中還

訓暢當

同遊漆沮後已是十年餘幾度曾相夢何時定得
書月高城影盡霜重柳條疎且對尊中酒千般想
未如

盧綸

字允言河東人天寶末舉進士不第大
曆初王縉奏為集賢學士終戶部郎中

領嶺南故人書

本集作夜中得循州遊司馬書郎書因寄回使

瘴海寄雙魚中宵達我居
兩行燈下淚一紙嶺南書
地說炎蒸極人稱老病餘
殷勤報賈誼莫共酒盃疎

題興善寺後池

隔窗栖白鳥似與鏡湖隣
月照何年樹花逢幾世人
岍莎青有路苔徑綠無塵
願得容依止僧中老

此身

本集願得作永穎

山下古木

高林已蕭索夜雨復秋風
墜葉鳴荒竹斜根擁斷蓬
半侵山影裏長在水聲中
此地何人到雲門路亦通

送李端

故關衰草徧離別自堪悲
路出寒雲外人歸暮雪時
少孤為客早多難識君遲
掩淚空相向風塵何所期

司空曙

字文明廣平人舉進士貞元
中水部郎中終真部郎中

耿漳就宿回傷故人

舊時聞笛淚此夜重霑衣方恨同懷少邨堪相見
稀竹煙凝澗壑林雪似芳菲多謝勞車馬應憐獨

掩扉

卅一作何

經廢寶慶寺

黃葉前朝寺無僧寒殿開池晴龜出曝松暝鶴飛
回古砌碑橫草陰廊面雜苔禪宮亦消歇塵世轉

堪哀

春日野望寄錢員外

草長花落樹羸病強尋春無復少年意空餘白髮
新青原高見水白社靜逢人寄語南宮客軒車不

可親

本集白社
作華社

喜外弟盧綸見宿

靜夜無回隣荒居舊業貧雨中黃葉樹燈下白頭
人以我獨沈久愧君相見頻平生自有分况是蔡

家親

蔡或
胡霍

送王閏

相送臨寒水蒼茫望故關
江燕連夢澤楚雪入商
山話我他年舊看君此日還
因特自悲淚一洒別

離顏

韻集
作開

新蟬

今朝蟬忽鳴遷客若為情
漸覺一年謝能令萬感
生微風初滿樹落日稍沉
城為問同懷者淒涼聽

幾聲

本集漸作
便謝作老

望水

高樓晴見水楚客靄相和
野極空如練天遙不辨
波永無人跡到時有鳥行
過況是蒼茫外殘陽照
最多

哭麴象

憶昔秋風起君曾歎逐臣
何言芳草日自作九原

人

錢起

字仲文吳興人天寶十載進士
應拔書郎終尚書郎太清宮使

送僧歸日東

上國隨緣住東途若夢行
浮雲滄海遠去世法舟
輕水月通禪觀魚龍聽梵聲
唯憐惠燈影萬里眼中明

送僧自吳遊蜀

隨緣忽西去何日返東林
世路無期別空門不住
心人煙一飯少山雪獨行深
天外猿聲夜誰聞清

梵音

本集無期作寧嗟不
住作久息夜作處

送張管書記

邊事多勞役儒衣逐鼓鼙
日寒關樹外峰盡塞雲
西河廣蓬難度天遙雁漸低
班超封定遠之子去思齊

送征雁

秋空萬里靜嘹唳獨南征
風急翻霜冷雲開見月
驚塞長怯去翼影滅有餘聲
悵望遙天外鄉愁滿

目生

寄郎士元

龍節知無事江城不掩扉詩傳過客遠書到故人
稀坐嘯看潮起行春送雁歸望舒三五夜思盡謝
玄暉

宿洞口觀

或作歌
漳詩

野竹通溪冷秋蟬入戶鳴亂來人不到寒草上階

生

本集蟬作
泉寒作芳

裴迪書齋望月

中興集作裴迪書
空龍月○小異

夜來詩酒興獨上謝公樓影開重門靜寒生獨樹
秋鵲驚隨葉散螢遠入煙流今夕遙天末清輝幾

處愁

本集獨上
作月滿

送彈琴李長史赴洪州

中興集
小異

抱琴為傲吏孤棹復南征幾度秋江水皆添白雪
聲佳期來客夢幽思緩王程佐牧無勞問心和政
自平

郎士元

字君甫天寶十五年進士與錢起齊名應拾遺終郢州刺史

送彭將軍

集作送李將軍赴定州

雙旌漢飛將萬里授橫戈
春色臨關盡黃雲出塞
多鼓聲悲絕漠烽戍隔長河
莫斷陰山路天驕已
請和

本集關作邊戍作火第
七句作想到山陰北

送孫願

悠然富春客憶與莫潮歸
擢第人多羨如君獨步
稀亂流江渡淺遠色海山微
若訪新安路嚴陵有

釣磯

贈張南史

雨餘深巷靜獨酌送殘春
車馬雖嫌僻鶯花不棄
貧蟲聲黏戶網鼠迹印牀
塵聞道山陽會如今有

幾人

本集聞道
作備問

宿杜判官江樓

適楚豈吾願思歸秋向深
故人江樓月永夜千里
心落葉覺鄉夢鳥啼驚越
吟寥寥更何有斷續空

城砧

送楊中丞和蕃

中興集同

錦車登隴日邊草正萋萋
舊好尋君長新愁聽鼓
鼙河源飛鳥外雪嶺大荒
西漢壘今猶在遙知路
不迷

送長沙韋明府之任

秋入長沙縣蕭條旅宦心
煙波連桂水官舍暝楓
林雲日楚天暮汀沙白露
深遙知訟堂裡嘉政在

鳴琴

送奚賈歸吳

中興集小異

東南富春渚曾是謝公遊
今日奚生去新安江正
秋水容清過客楓葉落行
舟遙想青亭下聞猿應

夜愁

本集水容清作水清近
風作霜落作伴青作赤

送友人別

集作藍厓縣鄭磯宅送錢大
中興集作別鄭磯○小異

算蟬不可聽落葉豈堪聞
共是悲秋客那知此路
分荒城背流水遠雁入寒
雲陶令門前菊餘花可

贈君

暢當

字□□河東人進士及第貞元初太常博士終果州刺史

宿潭上

夜潭有仙舸與月當水中嘉賓愛明月遊子驚秋

風

又

青蒲野陂水白露明月天中夜秋風起心事坐潛

然

別盧綸


故文君獨在又欲與君離我有新秋淚非關宋玉

悲

極玄集

十四

極玄集卷之



國家圖書館, NATIONAL CENTRAL LIBRARY, TAIWAN, R.O.C.

極玄集目錄

卷下

韓翃

四首

少年行

羽林騎

題薦福衡岳禪師房

送孫草及第歸

皇甫曾

三首

尋劉處士

哭陸處士

送人作使歸

李嘉祐 一首

和苗員外秋夜省直

皇甫冉 八首

送韓司直

宿嚴維宅

途中送權曙二兄 西陵寄一公

九日寄鄭悞 訓崔侍郎期籍道士

不至蕙寄 巫山高

送元晟歸潛山

朱放 二首

送張山人歸 送著公歸越

嚴維 四首

送薛尚書入朝 題一公院新泉

哭靈一上人 自雲陽歸晚泊陸澧

宅

劉長卿 七首

過張別府別業 餘干旅舍

送鄭十二歸廬山 長沙相王墓下書事

別張南史 登思禪寺上方

過隱公故房 送李中丞歸漢陽

靈一 四首

謝皇甫冉西陵見寄

溪行即事 重還宜豐寺

栖霞山夜坐

法振 二首

送人遊閩越 疾愈寄友

皎然 四首

微雨 題廢寺

賦得啼猿送客 思歸示故人

清江 二首

長安臥疾 宿嚴維宅簡章八元

戴叔倫 七首

吳明府自遠而來留宿

除夜宿石頭驛

客夜與故人偶集

送友人東歸

別友人

贈李山人

廣陵送趙主簿

極玄集目錄

卷下終

極玄集卷之下

韓翃

字君平南陽人天寶十三載進士以寒食詩受知德宗官至中書舍人

少年行

千點爛編噴玉驄青絲結尾繡纏鬚鳴鞭曉出銅

臺路葉葉春衣楊柳風

本集噴玉作玉勒曉作晚銅作章

羽林騎

驄馬牽來御柳中鳴鞭欲向渭橋東紅蹄亂踏春

城雪花頷驕嘶上苑風

本集驄作駿

卷之下

題薦福衡岳禪師房

中興集
小異

春城乞食還高論此中間僧臘堦前樹禪心江上
山疎簾看雪卷深戶暎花關晚送門人去鐘聲杳

霽間

本集樹作
草去作出

送孫卓及第歸

本集作送李秀才歸
江南○中興集小異

過淮芳草歇千里又東歸野水吳山出家林越鳥
飛荷香隨去棹梅雨點行衣無數滄洲客如君達

者稀

本集林作
村洲作江

皇甫曾

字孝常丹陽人天寶十二載進士
歷官監察御史與兄冉齊名一時

尋劉處士

幾年人不見林下掩柴關留客當清夜逢君話舊
山隔城寒杵急帶月早鴻還南陌雖相近其如隱
者閑

哭陸處士

從此無期見柴扉帶雪開二毛逢世難萬恨掩泉
臺返照空堂夕孤城吊客迴漢家偏訪道獨畏鶴

書來

本集扉帶作門對

送人作使歸

本集作送李中丞歸本道。中興集作送杜中丞還京。

上將還專席雙旌復出秦關河三晉路賓從五原

人孤戍雲連海平沙雪度春酬恩看玉劔何處有

煙塵

本集還專席作宜今闕出作去后。聯作碣石山通海滹沱雪度春。

李嘉祐

字從一袁州人天寶七載進士大曆中泉州刺史。

和苗員外秋夜省直

中興集同

久雨南宮夜仙郎寓直時漏長丹鳳闌秋老白雲

司螢影侵階亂鴻聲出苑遲蕭條人吏散小謝有

新詩

本集久作多寓作上老作令

皇甫冉

字茂政丹陽人天寶十五載進士大曆中為左補闕

送韓司直

此詩今但見皇甫曾集又見郎士元集又見劉長卿集

遊吳還適越來往任風波復送王孫去其如春草

何山明殘雪在湖滿夕陽多季子留遺廟停舟試

一過

本集山作岸湖作潮

宿嚴維宅

本集上多秋夜二字

昔聞玄度宅門向會稽峰君住東湖下清風繼舊
 蹤初秋臨水月半夜隔山鐘世路多離別良宵詎
 可逢

本集路
作故

途中送權曙二兄

淮海風濤起江關憂思長同悲鵲遶樹獨作雁隨
 陽山晚雲和雪汀寒月照霜由来濯纓處漁父愛
 滄浪

而陵寄一公

此詩又見
皇甫曾集

西陵遇風處自古是通津終日空江上雲山若待
 人汀沙寒事早魚鳥興同新南望山陰路吾心有

所親

本集沙作洲同作
情吾心作心中

九月寄鄭愕

本集愕
作豐

重陽秋已晚千里信仍稀何處登高望知君正憶
 歸還當采時菊應未授寒衣欲識離居恨郊園晝

掩扉

本集晝
作正

酬崔侍郎期蘇道士不至

本集中與
集郎作卿

一心求妙道幾歲候真師丹竈今何處白雲無定
期崕嶮煙景絕汗漫往來遲君但焚香待人間到
有時本集處作在煙景
作景致來作還

巫山高

本集高作峽泝
覽集中與集同

巫峽見巴東迢迢出半空雲藏神女館雨到楚王
宮朝暮泉聲落寒暄樹色同清猿不可聽偏在九

秋中

送元晟歸潛山

中興集作送元晟
還歸潛山所居

深山秋事早歸去復何如裊露收新稼迎寒葺舊
廬題詩即招隱作賦是閑居別後空相憶嵇康懶

寄書

朱放

字長通襄州人隱居剡溪
貞元初召拜拾遺不就

送張山人歸

知君住處足風煙古樹荒村在眼前便欲移家逐
君去唯愁未有買山錢

送著公歸越

誰能愁此別到越會相逢長憶雲門寺門前千萬
峰石牀埋積雪山路倒枯松莫學白道士無人知
去蹤

嚴維

字正文山陰人至德一載進士
應諸暨及河南尉終授書郎

送薛尚書入朝

卑情不敢論拜手立轅門列郡諸侯長登朝八座
尊凝笳臨水發行旆向風翻幾許遺民泣同懷父
母恩

本集民作黎
一本敢作可

題一公院新泉

山下新泉出泠泠比法源落池才有響澗石未成
痕獨暝孤松色殊分衆鳥喧唯當清夜月觀此啟

禪門

本集澗
作噴

哭靈一上人

一公何不佳空有遠公名共說岑山路今時莫可
行舊房松更老新墦草初生經論傳緇侶文章徧

墨卿

本集下更有四句云禪林枝幹折法
宇棟梁傾誰復修僧史應知傳已成

函玄集

卷之下

及古月

自雲陽歸晚泊陸澧宅

雪天行易晚前路故人
居孤棹所思久寒林相見
初閑燈忘夜永清漏任更
餘明後還須去離家歲

欲除

本集雪天作天陰寒林作
冒寒餘作疎歲欲作幾歲

劉長卿

字文房宣城人開元二十一年
進士應監察御史終隨州刺史

過張明府別業

寥寥東郭外白首一先生
考滿孤琴在家移五柳
成夕陽臨水釣春雨向田
畊終日空林下何人識

此情

本集考滿作解
印家移作移家

餘干旅舍

搖落暮天迥青楓霜葉稀
孤城向水閑獨鳥背人
飛渡口月初上鄰家漁
未歸鄉心正欲絕何處搗
寒衣

送鄭十二歸廬山

潯陽數畝宅歸臥掩柴關
谷口何人在門前秋草
閑忘機賣藥罷不語杖藜
還舊筍成寒竹空壘向

暮山水流過舍下雲去到人間桂樹花應發因行

寄一攀

忘一本
作無

長沙桓王墓下書事別張南史

長沙千載後春草獨萋萋流水朝還暮行人東復
西苔碑幾字滅山木萬株齊唯有年芳在相看惜

解攜

唯有年芳在一本
作佇立傷今古

登思禪寺上方

西峰上方處臺殿隱朦朧晚磬秋山裏清猿古木

中衆溪連竹徑諸嶺共松風倘許栖林下甘成白

首翁

本集西峰上方處
作上方幽且暮

過隱公故房

自從飛錫去人到沃州稀林下期何在山中春獨
歸踏花尋舊徑暎竹掩空扉寥落東峰上猶堪靜
者依

送李中丞歸漢陽

中興集作送李中
丞之襄州○小異

流落征南將曾駐十萬師罷歸無別業老去戀明

時獨立三邊靜輕生一劍隨茫茫漢江上日暮欲

何之

本集邊靜作朝識
隨作知欲作復

靈一

酬皇甫冉西陵見寄

西陵潮信滿島嶼沒中流越客依風水相思南渡
頭寒光生極浦落日暝滄洲何事揚帆去空驚海
上鷗

溪行即事

近夜山更碧入林溪轉清不知伏牛地潭洞何從
橫
壑
岫
煙
初
合
平
湖
月
未
生
孤
舟
屢
失
道
但
聽
秋
泉
聲

重還宜豐寺

再過招隱寺重會息心期樵客問歸日山僧記別
時
埜
雲
陰
遠
甸
秋
雨
漲
前
陂
勿
謂
頻
來
此
吾
今
不
好
竒

栖霞山夜坐

卷之下

山頭戒壇路幽暝雲巖側四面青石牀一峰苔蘚
色松風靜復起月影開還黑河獨乘夜來殊非晝
所得

法振

送人遊閩越

不須行借問為爾話閩中海島春寒雨江帆來去
風道遊玄度宅身寄朝陵公此別何傷遠如今關
塞通

疾愈寄友

或刺皎然集

哀樂暗成疾臥中方月移西山有清士孤嘯不可
追搗藥曙林靜汲泉陰澗遲微蹤與麋鹿遠謝求
羊知

皎然

微雨

片雨拂簷楹煩襟四座清霏微過麥隴蕭散傍莎
城靜愛和花落幽聞入竹聲朝觀趣無限高詠寄

閑情

題廢寺

武原罹亂後真界積塵埃
殘月照秋水悲風起古
臺居人今已盡栖鶴暝
還來不到無生理應堪賦
七哀

賦得啼猿送客

萬里巴山外三聲月
峽深何年有此路幾客共
霑巾斷壁分重影流泉
入苦吟淒涼離別後聞此更

傷心

思婦示故人

桐江秋信早憶在故山
時靜夜風鳴磬無人竹
埽墀猿來觸淨水鳥下
啄寒枝何必關吾事
歸心有期

清江

長安臥疾

身世足堪悲空房臥疾時
卷簾花雨滴掃石竹陰

移已覺生如夢堪嗟壽不知未能通法性詎可見
支離

宿嚴維宅簡章八元

佳期曾不遠甲第即南隣惠愛偏相及經過豈厭
頻秋光林葉動夕霽月華新莫話羈縻事平原是
主人

戴叔倫

字幼公潤州金壇人師蕭穎士為門
人冠大曆間撫州刺史容管經畧使

吳明府自遠而來留宿

出門逢故友衣服滿塵埃歲月不可問山川何處
來綺城容弊宅散職寄靈臺自此留君醉相歡得
幾迴

除夜宿石頭驛

旅館誰相問寒鐙獨可親一年將盡夜萬里未歸
人寥落悲前事支離笑此身愁顏與衰鬢明日又
逢春

客夜與故人偶集

天秋月又滿城關夜千重還作江南會翻疑夢裏
逢風枝驚暗鵲露草覆寒蛩羈旅長堪醉相留畏
曉鐘

送友人東歸

萬里楊柳色出關送故人輕煙拂流水落日照行
塵積夢江湖濶憶家兄弟貧徘徊灞亭上不語自
傷春

別友人

上五首俱與
中興集同

擾擾倦行役相逢陳蔡間如何百年內不見一人
閑對酒惜餘景問程愁亂山秋風萬里道又出穆
陵關

贈李山人

此意靜無事閉門風景遲柳條將白髮相對共垂
絲

廣陵送趙主簿

中興集作廣陵送
趙主簿自歸蜀

將歸汾水上遠省錦城來已泛西江盡仍隨北雁

迴暮雲征馬速曉月故關開漸向庭闈近留君醉
一盃

按武功自題云此皆待家鵬射也凡廿一
人共百首今已缺其一吉光片羽良可惜也
向傳美白石點本最善竟不行於世予留署
中近刻程撫忠名于簡端雖然劉涇溪點次
鴻文典冊矣止行伯忠為坊間冒濫潤入耳
目廣刻之行日以長偽何如原本之藏適以

存真也戊辰花朝湖南毛晉記

極玄集

十四

卷下

極玄集卷之下 終

國家圖書館, NATIONAL CENTRAL LIBRARY, TAIWAN, R.O.C.

